

ایدر. بوفکر اساساً بک طوغریدر. وجدان عمومینک قراری، برشیئک ممنوعیتی تسجیل ایدمک ال بیوک قوتدر!

وجدان عمومی اسلام، مسکراتک مضرتنه و تخریبانه بناء اونی تحریم ایدن امر الهی بی تاقی بالقبول ایتیش و بوتلقیسی آصلا ده کیشمه. مشدر. بناء علیه مسکراتک قوه اجرائیه طرفندن اورتهدن قالدیرلسی و تماماً منع اولونمسی وجدان امت طرفندن شکران ایله قارشیلانمحق بر حرکت مبروره در. حال بوکه غریبه مسکراتک ممنوعیتنه قارشو طوران بر جماعت ده کلیسا رجالیدر. شوراجقده صلاحیتدار کلیسا رجالدن برینک سوزلری نقل ایدمکیم. بوسوزلرک محرری (هیرفور) یسقبوسی «هیربرت هامسنلی هه نسولنه» در. کنیدیسی انکلیز کلیسا سنک برچوق موقعلری اشغال ایتیش، مسائل عمومی ده بک مهم یازیلر یازمش وانکلترونک ال معروف واعظلردن اوله رق طانمش در و متعدد تألیفات فلسفیه سی، کلیسائیات والهیات حقنده خیلی یازیلری وارد در. موسی الیه دیورکه:

«خریستیان کلیساسنک، مشروبات کثولیه نک حیات اجتماعی بی تخریب ایدن برزهر اولدیفنی و بوزهرک ضررین بر صورتده قوللانیله بیجفی ادعا ایدنلرک دعواسی تأیید ایتسی تامیله امکانسزدر (!) کرک کتاب مقدس، کرک جماعت مقدسه ایله کلیسا رجالی بوکی مشروباتی نعم طیبیه الهیه! اوله رق کوستریور. و خریستیانلر بو نعمتلی شکران ایله قبول ایدمک اعتدال ایله استعمال ایدیورلر (!) بعضی غیر ممنونلر تربیه و تحصیللرینک نقصانه بناء کتاب مقدسه کی شرابک بتخمر اولدیفنی، حتی بعضیلری حضرت مسیحک قدحنده کی مشروبک سودن بشقه برشی اولدیفنی ادعا ایدیورلر. بیکرجه دفعه تکذیب اولندقدن صوکره بوکی جنتلرک رواج بولسی انسانی یاسه دوشوریور. خریستیانلر مشروبات کثولیه بی معتدل بر صورتده قوللانمده دوام ایدمکاملر بو اعتیادلرند دوام ایدمککلردر (!) بونک منی حکومتله کلیسا آره سنده کسکین برمنازعه به سائق اوله جقدر (!) خریستیانلرک مساعده ایتدیکی مشروباتی (حیات اجتماعی به مضر) نامی آلتنده منع ایتکده قانون نامه برچنتدر (!)»

ایشته بوکی ملاحظاته بناء آمریقایلرک مشروبات کثولیه بی منع ایتلری خفت آمیز بر حرکت تلقی اولونیور. خریستیان کلیساسنک نا قابل اھال بر قوت اولسنه و بو قوتک منع مسکراته حائل اوله جغه بناء «دین ایله علم» آره سنده عظیم بر مجادلنک وقوع بوله جفی و بولمده اولدیفنی آشکاردر. آروپاده «دین ایله علم» آره سنده بر منازعه اوله رق قبول اوله جق بو مسئله بزجه بوماهیتی حائر دکدر. بالعکس شریعت مطهره من کافه احکامنده بشرک عقلنی، بدننی، حالی و حریتی محافظه ایتمی استهداف ایتدیکندن احکام شرعیه نک علمله مجادله ایدمک هیچ بر حکمی یوقدر. «علم» ک ادیان سائرده وقوع بولان منازعاتی دینزه شامل دکدر.

کورولویورکه بونقطه ده دخی اسلام و خریستیان تلقیلری یکدیگریته مخالفدر. بزم مملکت مزده مسکراتک منی دین اسلامدن ال قطعی تأییدی و وجدان امتدن ال قوتلی مظاهرتی حائر اولدیفنی حالده غریبه اوله دکدر. کلیسا بوکا مخالفت ایتمکده اولدیفنی کی وجدان عمومی ده مخالفدر. بزم مملکت مزده، مسکراتک ممنوعیت دینی سنی قانوناده

تطبيق ایتک ایچون هیچ بر مانع یوقدر. بالعکس ممنوعیت دینی نک خلافه بوکی حرمانه بر جریان ایتی ویرمکه قدر کیدن اھماللر وبالخاصه حکومت طرفندن وقوع بولان مناسبتسز مساعده لریوزندن مملکت مزک عظیم ضررلر اوغراھینی کورولیور. مملکتی بو بلادن قورتارمق قوه اجرائیه نک النده در. وقوه اجرائیه مزک، سلامت مملکت نامه بو تدبیری اتخاذ ایتسی، اونک طرف شارعدن مکلف اولدیفنی ال مهم وظیفه لرندن بریدر.

بناء علیه شیخ الاسلام افندی حضرتلرینک بو مهم مسئله بی نظر اعتباره آلره ق حکومتجه بو وظیفه شرعیه نک ایفای ایچون تشبثات لازمه ده بولونملری لازم کلیر.

مسکراتی مملکت مزده قطعی سورتده منع ایتمکله کیسه اقتدا و کیسه بی تقلید ایتمش، آنحق شریعت مطهره نک انسانیلر ایچون محض رحمت اولان احکام جلیله سی موقت بر اھمالدن صوکره تکرار موقع تطبیقه وضع ایتیش اوله جفر.

بوندن صوکره نظر اعتباره آلمسی اقتضا ایدن جهت دینمک مسکراتی تحریم ایتمکده کی حکمت ایله علم حاضرک مسکراتی تحریم ایچون کوستردیکی اسباب موجب بی ایضاح ایتمکدر. بونی ده آریجه عرض ایدمک.

عمر رضا

خاندان آل عثمانک حسیات دیندارانه لری

یکنلرده اجرا قلندیفنی یازدیفن کریمه عصمت و سیمه جناب خلافتینای ایله شہزاده عمر فاروق افندی حضرتلرینک عقد تمینلری مناسبتیله جمعیت خیریه اسلامیہ کاتب عمومیدکی طرفندن جمعیتک رئیس عالیسی ولیعهد سلطنت سنیہ دولتو نجابتلو عبدالمجید افندی حضرتلرینه تقدیم اولونان تبریکنامه به مشارالیه ولیعهد حضرتلری طرفندن و بریلن جواب برامیت مخصوصه بی حائر اولدیفنی جهته الهه ایدیلن بر صورتی عیناً درج ستون افتخار ایلور:

«بریمه حضرت خلافتینای ایله اوغلم عمر الفاروقک نکاحلری، «یوم تمینتک مولد فخر کائناتده و حضور فیض انشور خرقه سعادتده» «اجراسی ملاسه سیله واقع اولان بیانات محبانلری باعث ممنونیت» «اولشدر. له الحمد خاندان آل عثمان حرمین شریفک برر خدمتکار» «مطیع و متقادی اوله رق یالکز اوسایده مات یکوجود و اسلامک» «دارینده سعادت و کلمه الهک اعلا شرفی بحمد الله استکماله موفق» «اولدقلردن موهبه ربانیه اولان ابواب نجابتک عتبه فلکمرتبه سندن» «مادام الملوان کمال خضوع ایله نیاز فوز و صلاح ایتک عائله سلطنت» «سنیه ایچون دائماً باعث ین وفلاح اوله جفی بی اشتباه بولمفله او خدمت» «عبودیت عالیہ و دینیہ دن بو خاندانی بر دقیقه مهجور بر اقامسینی و بالعموم» «اخوان مؤمنینک نائل حضور آمال بویورلسنی بارکاء ذوالجلالان» «تضرع ایتمکده و بوسیله حسنه ایله جمعیت خیریه اسلامیہ اعضای» «گرامنه تشکر ایتمکده بولندیغکم تبلیغه همت بیورلسنی رجایدرم»

عبدالمجید